





國立故宮博物院珍藏

# 清代起居注冊

光緒朝  
第四十四冊

清代起居注冊

光



第四十四册

375051

|           |      |
|-----------|------|
| 光緒十七年十一月下 | 一八五九 |
| 光緒十七年十一月上 | 二九三五 |
| 光緒十七年十二月下 | 〇四三  |

清代起居注册 / 光緒朝 / (清) 徐致祥等奉敕撰, --  
 民國76年：臺北市，聯合報文化基金會國學文獻館印  
 行，影印本  
 80冊 21公分  
 據國立故宮博物院藏手稿本影印  
 聯經出版事業公司總經銷

I. (清) 徐致祥等奉敕撰

654.77/7974/76

NT\$ 68,800.00

中華民國七十六年二月初版

行政院新聞  
 保有版權・翻印

清代起居

76·02·06

朝共八十冊  
 每部新台幣六八〇〇元

號

號五

冊

物院

6500113

光緒十七年歲次辛卯十一月初一日辛酉

上詣儀鸞殿

慈禧端佑康頤昭豫莊誠壽恭欽獻皇太后前請安

奉

皇太后幸純一齋看戲侍晚膳內閣奉

諭旨世鐸額勒和布許庚身孫毓汶均著加恩在西  
苑門內騎馬張之萬著加恩在西苑內乘坐二人

肩輿又奉

諭旨奎斌著調補熱河都統迅赴新任毋庸來京請  
訓察哈爾都統著惠銘補授惠銘未到任以前著  
口北道吉順暫行護理又奉

諭旨浙江溫處道員缺著楊儒補授

是日

起居注官宗室會章徐會灃

初二日壬戌

上詣儀鸞殿

慈禧端佑康頤昭豫莊誠壽恭欽獻皇太后前請安內

閣奉

諭旨巡視西城御史麟趾等奏遵保獲盜出力司坊  
紳董懇恩獎勵一摺著吏部議奏單併發

是日

起居注官長萃朱琛

初三日癸亥

上詣儀鸞殿

慈禧端佑康頤昭豫莊誠壽恭欽獻皇太后前請安內

閣奉

諭旨晉祺奕劻翁同龢孫家鼐均著加恩在西苑門

內騎馬又奉

諭旨科爾沁博多勒噶台親王伯彥訥謨祜忠勤篤

實謹慎老成於咸豐年間挑在御前行走荷

穆宗毅皇帝知遇之隆錫封貝勒賞戴三眼花翎承襲  
王爵授為御前大臣領侍衛內大臣補授都統出  
師奉天剿平馬賊嗣補閱兵大臣管理健銳營事  
務朕御極後疊加恩賚在毓慶宮行走調補正白  
旗滿洲都統鑲黃旗領侍衛內大臣管理神機營  
鑾儀衛武備院事務圓明園火器營等處均能夙

夜宣勤恪恭罔懈近因請假葬親准回游牧方冀  
假滿旋京長承恩眷遽聞溘逝悼惜殊深著派盛  
京禮部侍郎懷塔布前往奠醑賞給陀羅經被即  
交該侍郎齎往賞銀五千兩治喪由盛京戶部給  
發所有任內一切處分悉予開復其餘飾終典禮  
著該衙門查例具奏伊孫貝勒阿穆爾靈圭即著  
承襲親王毋庸帶領引見伊子輔國公溫都蘇著

襲封貝勒頭等台吉博迪蘇著賞給輔國公以示  
篤念勳舊至意是日太常寺題二十二日冬至大  
祀

天壇前期視牲看牲奉

諭旨遣隆懃視牲文興看牲

是日

起居注官志銳丁立幹

初四日甲子

上詣儀鸞殿

慈禧端佑康頤昭豫莊誠壽恭欽獻皇太后前請安內


閣奉

諭旨右翼總兵著崇禮補授又奉

諭旨王文韶等奏特參庸劣不職各員一摺雲南署

武定直隸州知州候補同知任湘縱差滋擾物議

沸騰昆陽州知州蘇忠廷徵收含混捏稟請緩霑  
益州知州彭繼志性情鹵莽辦事粗率前署甯州  
知州南甯縣知縣陳清昌諱盜不緝飾詞強辯均  
著一併革職嵩明州知州楊炳霖庸懦無能難膺  
民社署麗江縣知縣候補知縣劉宇元才具不庸  
辦公率忽惟文理尚優均著以教職歸部銓選以  
肅官方餘著照所議辦理該部知道



021773

是日

起居注官長麟黃卓元

初五日己丑

上詣儀鸞殿

慈禧端佑康頤昭豫莊誠壽恭欽獻皇太后前請安內

閣奉

諭旨裕祿等奏查明廣甯旗界濱河地畝被水歉收  
請分別蠲緩錢糧一摺奉天廣甯縣旗地本年秋  
間雨水過多沿河地畝被淹收成均形歉薄若將

應完錢糧照常徵收民力實有未逮加恩著照所  
請所有廣甯縣正黃旗界大五台子等四十二村  
屯大三家子等五十八村屯白旗堡界石獅子等  
四十六村屯姜家窩棚等一百零七村屯紅冊地  
五十九萬八千二百八十七畝零均著蠲免正賦  
錢糧十分之九其餘一分緩至光緒十八年秋季  
帶徵大五台子等十四村屯機什條崗等四十九